

## Gwneud eich marc

Cyfarwyddyd dylunio ar gyfer deunyddiau i bleidleiswyr

Nod cyfarwyddyd dylunio *Gwneud eich marc* y Comisiwn Etholiadol yw gwneud deunyddiau i bleidleiswyr yn fwy defnyddiadwy a hygyrch, er mwyn i bleidleiswyr 'wneud eu marc' yn hawdd, a bod yn ffyddiog y caiff eu pleidlais ei chyfrif yn ôl eu bwriad.

Bwriedir y cyfarwyddyd i weinyddwyr etholiadol a llunwyr polisi llywodraeth.

### Cefndir

Rydym wedi nodi amryw faterion sy'n gysylltiedig â phapurau pleidleisio yn ein hadroddiadau am etholiadau a gynhaliwyd yn y blynyddoedd diwethaf, gan gynnwys Gogledd Iwerddon yn 2005, a Chymru yn 2007, ac wedi gwneud argymhellion ar sut y gellid eu gwella. Rydym hefyd wedi gwneud argymhellion mewn cyhoeddiadau eraill, gan gynnwys *Ballot paper design*<sup>1</sup> ac *Equal access to democracy*.<sup>2</sup> Mae nifer o'r argymhellion yn yr adroddiadau hyn bellach wedi'u hymgorffori mewn deddfwriaeth.

Amlygwyd mater dylunio papurau pleidleisio ar ôl etholiadau lleol a Senedd yr Alban yn 2007, pan wrthodwyd nifer gymharol uchel o bapurau pleidleisio. Roedd adroddiad Ron Gould am yr etholiadau hynny'n argymhell amrywiaeth o gamau mewn perthynas â phapurau pleidleisio, a oedd yn anelu at leihau'r posibilrwydd o ddrysu neu gamarwain pleidleiswyr. Mewn ymateb i'r adroddiad hwnnw, dywedasom y byddem yn datblygu cyfres o safonau DU-gyfan yn rhoi sylw i hygyrchedd, dyluniad a defnyddioldeb papurau pleidleisio a phapurau cysylltiedig. Mae cyfarwyddyd

*Gwneud eich marc* yn cyflawni'r ymrwymiad hwnnw.

### Cwmpas

Mae'r cyfarwyddyd yn cynnwys y deunyddiau canlynol:

- papurau pleidleisio
- hysbysiadau cyfarwyddyd i bleidleiswyr mewn gorsafoedd pleidleisio
- cyfarwyddiadau i bleidleiswyr mewn bythau pleidleisio
- datganiadau pleidleisio drwy'r post a datganiadau ynghylch pwy ydych
- cyfarwyddyd atodol pleidleisio drwy'r post

Gellir cymhwyso llawer o'r egwyddorion cyffredinol yn y cyfarwyddyd hefyd i ddeunyddiau etholiadol eraill, er enghraifft ffurflenni cofrestru a chardiau pleidleisio. Mae dylunio'r deunyddiau hyn yn cael sylw yn ein cyfarwyddyd presennol, gan gynnwys *Modernising electoral forms* (2005),<sup>3</sup> a *Managing electoral registration in Great Britain, Part I* (2008).<sup>4</sup>

Mae *Gwneud eich marc* yn canolbwyntio ar hyrwyddo arfer da wrth ddylunio. Nid yw'n mynd i'r afael â materion sy'n gysylltiedig â gweinyddu etholiadau, fel dulliau trefnu

- <sup>1</sup> *Ballot paper design*, Y Comisiwn Etholiadol (2003). Ar gael yn [www.electoralcommission.org.uk/document-summary?assetid=16056](http://www.electoralcommission.org.uk/document-summary?assetid=16056)
- <sup>2</sup> *Equal access to democracy*, Y Comisiwn Etholiadol (2003). Ar gael yn [www.electoralcommission.org.uk/document-summary?assetid=16051](http://www.electoralcommission.org.uk/document-summary?assetid=16051)
- <sup>3</sup> *Modernising electoral forms*, Y Comisiwn Etholiadol (2005). Ar gael yn [www.electoralcommission.org.uk/document-summary?assetid=79881](http://www.electoralcommission.org.uk/document-summary?assetid=79881)
- <sup>4</sup> *Managing electoral registration in Great Britain, Part I*, Y Comisiwn Etholiadol (2008). Ar gael yn [www.electoralcommission.org.uk/document-summary?assetid=43961](http://www.electoralcommission.org.uk/document-summary?assetid=43961)

ymgeiswyr a phleidiau ar bapurau pleidleisio, na manteision gwahanol systemau pleidleisio. Mae'r arfer da yn y cyfarwyddyd yn berthnasol ni waeth pa system bleidleisio neu ddull trefnu a ddefnyddir.

Nid yw'r cyfarwyddyd hwn yn cynnwys materion mynediad ffisegol i orsafoedd pleidleisio, na rhoi gwybodaeth i bleidleiswyr mewn fformatau amgen. Mae gofynion statudol presennol i Swyddogion Canlyniadau mewn perthynas â hygyrchedd etholiadol, ac er dylai'r cyfarwyddyd hwn gyflenwi'r gofynion hynny, nid yw'n eu hamnewid na'u diwygio.

## Ymagwedd

Mae ein cyfarwyddyd yn canolbwyntio ar roi blaenoriaeth i anghenion pleidleiswyr, ac rydym wedi dilyn yr egwyddor honno yn ein hymagwedd at ei gynhyrchu. Aethom ati i gynnal ymchwil ansoddol gydag etholwyr ledled y DU ar ffurf grwpiau ffocws a chyfweiliadau defnyddioldeb un ac un, i archwilio dyluniad deunyddiau presennol i bleidleiswyr.<sup>5</sup> Buom hefyd yn adolygu deunyddiau presennol gyda gweithwyr proffesiynol o'r gymuned etholiadol, ac o feysydd hygyrchedd a defnyddioldeb. Yn sgil yr ymchwil hwn, roeddem yn gallu deall yn well yr hyn sy'n gwneud deunyddiau i bleidleiswyr yn haws neu'n anoddach eu defnyddio, yn ogystal â nodi arfer da i'w rannu.<sup>6</sup>

Mae'r cyfarwyddyd yn hyrwyddo arfer da mewn dylunio, yn seiliedig ar arfer da a dderbynnir yn y diwydiant a chanfyddiadau ein

hymchwil. Nid yw'n nodi'r dyluniad 'gorau' ar gyfer gwahanol ddeunyddiau. Y rheini sy'n dylunio ffurflenni rhagnodedig sy'n cael eu cynnwys mewn deddfwriaeth, a Swyddogion Canlyniadau sy'n cynhyrchu'r deunyddiau hynny'n ymarferol, sy'n gyfrifol am benderfyniadau am ddylunio.

## Prawf defnyddwyr

Yr unig ffordd o ganfod yn briodol a yw dyluniad arbennig yn ddefnyddiadwy yw ei brofi ar ddefnyddwyr, a dylid gwneud hyn cyn penderfynu ei ddefnyddio mewn sefyllfa go iawn. Cyn i lywodraethau gynnig unrhyw ddyluniadau newydd ar gyfer ffurflenni rhagnodedig mewn deddfwriaeth ddrafft, argymhellwn eu bod yn cynnal prawf defnyddwyr arnynt.

## Y cyfarwyddyd

Nid oes unrhyw ateb hawdd i'r her o ddylunio deunyddiau i bleidleiswyr. Mae papurau pleidleisio a deunyddiau eraill i bleidleiswyr a ddefnyddir yn etholiadau'r DU yn cael eu rhagnodi'n benodol iawn, ac felly prin iawn yw'r cyfle i Swyddogion Canlyniadau newid golwg y deunyddiau. Felly, mae dwy fersiwn o'r cyfarwyddyd.

## Cyfarwyddyd i lunwyr polisi llywodraeth

Mae'r cyfarwyddyd i lunwyr polisi llywodraeth a'r rheini sy'n drafftio deddfwriaeth yn adlewyrchu'r hyn sy'n 'ddymunol' o ran dylunio deunyddiau i bleidleiswyr, ac mae'n nodi newidiadau y gellid eu gwneud i ddeunyddiau a

ragnodir i'w gwneud yn fwy defnyddiadwy a hygyrch. Crynhoir y rhain ar y dudalen nesaf.

## Cyfarwyddyd i weinyddwyr etholiadol

Mae'r cyfarwyddyd hwn i weinyddwyr etholiadol ei ddefnyddio yn awr, gan dderbyn cyfyngiadau a gofynion deddfwriaethol presennol.<sup>7</sup> Mae'n cynnwys deunyddiau enghreifftiol i ddangos sut y gellir cymhwyso'r cyfarwyddyd i ddeunyddiau presennol i bleidleiswyr, a gobeithiwn y bydd gweinyddwyr etholiadol yn dechrau defnyddio'r cyfarwyddyd cyn gynted â phosibl.

## Y dyfodol

Er bod y cyfarwyddyd hwn yn canolbwyntio'n bennaf ar alluogi pleidleiswyr i bleidleisio'n ffyddiog ac yn gywir, dylai hefyd helpu i:

- gyflawni cysondeb dylunio mewn deunyddiau i bleidleiswyr, ni waeth pryd nac ymhle mae rhywun yn pleidleisio
- rhoi cyfarwyddyd a meini prawf clir i Swyddogion Canlyniadau eu hystyried wrth ddylunio deunyddiau a dewis a rheoli eu cyflenwyr
- annog newidiadau mewn cyfraith a pholisi etholiadol i sicrhau bod deunyddiau i bleidleiswyr yn ddefnyddiadwy ac yn hygyrch
- llywio penderfyniadau dylunio gan lywodraethau wrth ddrafftio deddfwriaeth newydd a'n helpu i ymateb i ymgynghoriadau ar ddyluniadau newydd arfaethedig.

5 Roedd ymatebwyr yr ymchwil i gyd yn gymwys i bleidleisio mewn o leiaf un math o etholiad yn y DU, ac yn cynnwys y rheini nad oeddent wedi pleidleisio erioed.

6 Mae adroddiadau'r ymchwil ar gael yn adran ymchwil ein gwefan yn [www.electoralcommission.org.uk/publications-and-research/policy-and-research](http://www.electoralcommission.org.uk/publications-and-research/policy-and-research)

7 Adeg cyhoeddi.

Bwriadwn ddefnyddio'r cyfarwyddyd yn sail i bwysu am welliannau i ddylunio deunyddiau i bleidleiswyr, er mwyn rhoi anghenion pleidleiswyr, dros amser, wrth wraidd y broses ddylunio. Byddwn yn annog gweinyddwyr etholiadol i ddefnyddio'r cyfarwyddyd, drwy ein fframwaith safonau perfformiad i Swyddogion Canlyniadau ym Mhrydain Fawr, a thrwy ein deunyddiau cyfarwyddyd etholiadau.

## Adborth

Rydym yn croesawu adborth ar y cyfarwyddyd ac unrhyw awgrymiadau ar sut y gellid ei wella. Os oes gennych unrhyw sylwadau neu gwestiynau, cysylltwch â Christie Dennehy, Uwch Gyngorwr Polisi, yn [cdennehy@electoralcommission.org.uk](mailto:cdennehy@electoralcommission.org.uk)

## Argymhellion allweddol

Mae ein cyfarwyddyd i lywodraethau'n argymhell newidiadau i ddeunyddiau rhagnodedig presennol i bleidleiswyr y byddai angen newid deddfwriaeth er mwyn iddynt ddod i rym.

Crynoir yma'r newidiadau dylunio allweddol a argymhellwn i lywodraethau eu hystyried. Mae manylion llawn, gan gynnwys y sail resymegol, yn y cyfarwyddyd ei hun.

Deunydd	Argymhelliad
<b>Popeth</b>	Defnyddiwch iaith glir
<b>Papur pleidleisio<sup>8</sup></b>	<p>Dylid cynnwys cyfarwyddiadau pleidleisio penodol, clir a diagram (sy'n dangos sut ac ymhle i farcio eich pleidlais ar y papur pleidleisio) ar frig y papur pleidleisio</p> <p>Ni ddylai 'grid' rannu papurau pleidleisio yn adrannau. Dylent gynnwys:</p> <ul style="list-style-type: none"> <li>• manylion pob plaid/ymgeisydd ar res ar wahân, wedi'u gwahanu â llinell lorweddol</li> <li>• blwch pleidleisio amlwg ar yr ochr dde ar ddiwedd pob rhes</li> </ul> <p>Peidiwch ag arddangos cyfeiriadau ymgeiswyr mewn cystadlaethau pob ymgeisydd</p> <p>Peidiwch ag arddangos y rhestr (h.y. enwau unigol) ymgeiswyr plaid gofrestredig mewn cystadlaethau rhestr plaid</p> <p>Os yw ymgeiswyr yn sefyll ar ran plaid gofrestredig, neu mewn cystadlaethau plaid, mynnwch fod enw'r blaid yn cael ei arddangos ar y papur pleidleisio</p> <p>Dylai fod dewis i ddisgrifiad o'r blaid gofrestredig ymddangos ar y papur pleidleisio yn ogystal ag enw'r blaid gofrestredig, ond ar ei ôl</p> <p>Dylai fod ymgeiswyr annibynnol yn gallu cynnwys gwybodaeth ar y papur pleidleisio sy'n gywerth â'r wybodaeth y caniateir i bleidiau cofrestredig neu eu hymgeiswyr ei chynnwys</p>

<sup>8</sup> **Sylwer:** nid yw unrhyw argymhelliad i beidio ag arddangos gwybodaeth arbennig ar bapurau pleidleisio sy'n cael ei harddangos ar hyn o bryd, yn golygu argymhelliad na ddylai pleidleiswyr weld y wybodaeth honno, ond yn hytrach nad oes angen iddi fod ar y papur pleidleisio ei hun.

Deunydd	Argymhelliad
<b>Hysbysiad gorsaf pleidleisio</b>	Dylech gynnwys teitl yr etholiad ar yr hysbysiad gorsaf pleidleisio
	Caniatewch ddefnyddio lliw a darluniau
	<p>Diwygiwch y cynnwys i gynnwys dim ond y wybodaeth sydd ei hangen ar y pleidleisiwr cyn iddo gyrraedd y bwth pleidleisio:</p> <ul style="list-style-type: none"> <li>• ble i gael ei bapur pleidleisio</li> <li>• beth i'w wneud nesaf</li> <li>• beth i'w wneud os bydd angen cymorth arno</li> </ul>
<b>Hysbysiad bwth pleidleisio</b>	Dylech gynnwys teitl yr etholiad ar yr hysbysiad bwth
	<p>Diwygiwch y cynnwys er mwyn cynnwys y wybodaeth sydd ei hangen ar y pleidleisiwr yn y bwth pleidleisio, ac yn syth wedyn:</p> <ul style="list-style-type: none"> <li>• y system pleidleisio a ddefnyddir</li> <li>• sut i farcio ei bleidlais ar y papur pleidleisio</li> <li>• beth i'w wneud nesaf</li> <li>• beth i'w wneud os bydd angen cymorth arno</li> </ul>
	Caniatewch ddefnyddio lliw a darluniau
<b>Deunyddiau pleidleisio drwy'r post</b>	Dylech gynnwys teitl yr etholiad ac enw'r ddogfen ar y datganiad pleidleisio drwy'r post/datganiad ynghylch pwy ydych
	<p>Diwygiwch y cynnwys er mwyn cynnwys dim ond y wybodaeth sydd ei hangen ar y pleidleisiwr am y broses pleidleisio drwy'r post:</p> <ul style="list-style-type: none"> <li>• sut i lenwi ei ddatganiad pleidleisio drwy'r post/datganiad ynghylch pwy ydych</li> <li>• sut i ddychwelyd ei bleidlais bost</li> <li>• y terfyn amser ar gyfer ei dychwelyd</li> <li>• beth i'w wneud os bydd angen cymorth arno</li> </ul>
	Aildrefnwch y cyfarwyddiadau fel eu bod yn digwydd mewn trefn resymegol, yn dilyn y broses pleidleisio drwy'r post, a'u bod wedi'u gosod yn y man lle bydd eu hangen ar y pleidleisiwr
	Cyhoeddwch gyfarwyddyd ar wahân i bleidleiswyr drwy'r post, gan gynnwys gwybodaeth am y system pleidleisio a ddefnyddir a sut i farcio'r papur pleidleisio

## Diolch

Rydym yn ddiolchgar iawn i bawb a'n cynorthwyodd i gynhyrchu'r cyfarwyddyd hwn, gan gynnwys pawb a roes enghreifftiau o ddeunyddiau pleidleiswyr i'w defnyddio yn y gwaith adolygu ac ymchwil. Hoffem ddiolch hefyd i'r bobl ganlynol a gyfrannodd yn hael o'u hamser, eu cyngor a'u harbenigedd.

- Aelodau AEA
- Aileen Knudsen, South Lanarkshire Council
- Andrea Stephenson, Scottish Conservative and Unionist Party
- Andy Sinclair, Scottish Government
- Billy Pollock, Cadeirydd, cangen AEA yr Alban a Gogledd Iwerddon
- Claire Mitchell, Flow Interactive Ltd
- Derek Todd, Scottish Council on Deafness
- Douglas Bain, Prif Swyddog Etholiadol, Electoral Office for Northern Ireland (EONI)
- Dr. Tess Millar, Text Matters
- Elaine Clark, Scottish Conservative and Unionist Party
- Faye Gatenby, Capability Scotland
- Forms Working Group, yr Alban
- Gareth Evans, Denbighshire County Council
- Gerred Blyth, Lighthouse Experience
- Glynne Morgan, Pembrokeshire County Council
- Gordon Blair, SOLAR
- Gozie Joe Adigwe, RNIB Scotland
- Gwilym Morris, Pollenshop
- Ian Adderley, British Youth Council
- Ian Baxter, Scottish Green Party
- Ian McCann, Scottish National Party
- Ianto Brychan, Bwrdd yr Iaith Gymraeg
- Ivanka Majic, LBi
- Jason Kitcat, ar ran Open Rights Group
- John Foster, Print Image Network
- Julianne Marriott, RNIB
- June Butler, EONI
- Karen McGrath, Disability Action
- Kate McCluskey, Serco Usability Services
- Lilian Lawson, Scottish Council on Deafness
- Mary Pitcaithly, SOLACE
- Miriam Haywood, RNIB
- Nigel Spilsbury, Plymouth City Council
- Scottish Interim Elections Management Board
- Scottish Parliamentary Parties Panel
- Pat Parker, London Elects
- Rhoda Meek, Outside the Box
- Ruth Thornton, Plain Language Commission
- Sheila Scobie, Swyddfa yr Alban
- Simon Verdon, dsicmmgroup
- Victoria Walsh, Rethink

Rydym yn gorff annibynnol a sefydlwyd gan Senedd y DU. Ein nod yw hygyrdd y broses ddemocrataidd a hyder y cyhoedd ynddi. Rydym yn rheoleiddio cyllid pleidiau ac etholiadau ac yn gosod safonau ar gyfer etholiadau a gynhelir yn dda. Am ragor o wybodaeth gweler:  
[www.comisiwnetholiadol.org.uk](http://www.comisiwnetholiadol.org.uk)